



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

Lippeloo, Zacharias

Coloniae Agrippinæ, 1603

Historia Brevis S. Narcisci Episcopi Hierosolymitani: Ex Ecclesiasticæ
Historiæ Eusebij Cæsareensis lib. 6. cap. 8. & 9. Fuit hic tricesimus eius
Sedis Episcopus: Claruit sub Seuero & Succeß. Impp. ...

urn:nbn:de:hbz:466:1-42787

sto iam sacro velamine consecrata, beatissimi viri tentationem ab inuido & maligno dæmone illi iniectam extinxerit. Cum enim die quodam amoris eius & pulchritudinis recordaretur, misso confestim nuncio eam accersiri curauit, ut cupitis eius amplexibus frueretur. At illa semel iterumq; vocata venire renuit: tertio verò accita cum sancti viri animum pertinacem sentiret, ut & suæ & illius pudicitia consuleret, depositis vestibus, quæ cultiores videri poterant, & tonsis capillis, horrido se cilicio induit, eaque deformitate viro se visendam obtulit. Ille verò tali eam habitu & specie contemplatus, vehementer exhorruit, dolensque se eatenus tentationi cessisse, ab illicito se opere reuocauit. Fuit autem vir beatus in ea dignitatis administratione à Clotario Rege ad Childericum vsque annis 66: sicque post multos labores migravit ad Dominum lugente Meldensi ecclesia, Angelis verò lætantibus, eiusque virtutibus in gloria miraculorum præclarè coruscantibus.

En vt tentationem sancti viri eius quondam vxor extinxerit.

Felix obitus eius.

Tumulus eius miraculis clarus.

Vide Tom.

2. Annal. C.

Baron. &

Notat. ad

Martyr.

Roman.

HISTORIA BREVIS S. NARCISCI

Episcopi Hierosolymitani: Ex Ecclesiastica Historia Eusebii Casareensis lib. 6: cap. 8. & 9. Fuit hic tricesimus eius Sedis Episcopus: Claruit sub Seuero & Success. Imp. anno Christi 198, & sequentibus.

29. Octob.

PRAETER multas alias res admirabiles in Ecclesia gestas à Narcisco, referunt hoc ab eo editum miraculum. In magna & solenni Paschatis vigilia, cum oleum diaconis & Ecclesiae ministris deesset, & grauis quæ-

A a

dam-

*Præclarum
Miraculum.*

dam ægritudo & animi demissio vniuersam multitudinē occuparet; ferunt Narcissum his, qui luminaria aptabant, præcepisse; vt aqua è proximo puteo haustam ad ipsum perferrent. Quo absq; mora peracto, fusa super aqua oratione, mandauit, vt cum vera & constanti in Dominum fide, eam in luminariū vasa infunderent. Quod vbi fecerant, contrā omnem rationē, incredibili quadā & diuina virtute, naturam aquæ in olei repētē commutatam viderunt. Pleraque item alia memoria quidem digna, de vita istius viri commemorant, in quibus eiusmodi quiddam traditum est.

*En trium vi-
rorum exe-
crandam
peruersitatē.*

Cum quidā perditī homunciones grauem & feuerā eam rationē, qua in hominibus, tum admonendis, tū in eorū vitijs corrigendis vi cōsuevit, neutiquā ferre possent; præ metu, ne tādē debitas scelerum suorū, quibus obstricti erāt, pœnas luerent, cœperunt contra eū confutis dolis conspirare, & turpē quandam criminationis calumniam in eum conijcere; deinde quo magis auditoribus criminationis falso obiectæ fidem facerent, eam iureiurando confirmare: atque hoc modo deierare. Primus, si, inquit, non verè dixerim, opto vt ignis incendio miserè dispeream. Alter: Si non verè dixerim, opto, vt fœdo ac sæuo morbo corpus absumatur. Tertius verò: Opto, inquit, si falsā dixerim, vt luminib⁹ penitus orbatus sim. Verū quāuis nemo fidelīū propter nobilitatem & testatā inter omnes omninò Narcisci castimoniam, illis vel grauiissimo iureiurando se obstringentibus, animum aut fidem adhibuerit, ille ipse tamen partim præ indignatione obie-

Et cri-

Et criminationis, partim præ cupiditate vitæ
in sapientiæ ac virtutis studio degendæ, quam
sæpe optauerat, ab oculis vniuersæ multitu-
dinis se penitus remouit, & in solitudine lo-
cisque desertis ad multorum annorum spatiū
vitam transegit. Verū sublimis ille diuinæ
iustitiæ ultionisq̄ue obtutus, his sceleribus pa-
tratis, minimè acquieuit: sed quam celerrimè
impios illos & nequam homines grauibus ca-
lamitatibus oppressit.

Primus enim illorū, perexigua scintilla in
ædes eius subito ruente, cum tota familia &
stirpe rapido flammæ ardore omninò con-
flagrauit. Alterius corpus eodem morbo, quam
sibi tanquam multam fore imprecatus esset,
ab extremis pedum digitis ad caput vsq̄ue in-
fectum, contabuit. Tertius, ærumnosis priorū
euentibus admonitus, ineuitabilem Dei ultio-
nem admodum reformidans, palam malefica
sua sociorumq̄ue contrà Narcissum admissa,
confessus est; ac tantis deindè tamq̄ue acerbis
se lamentis afflictauit, & vsque eò lachrymas
effundere non destitit, quoad vtrumq̄ue oculū
sibi penitus extinxisset. Atque hi pro ea crimi-
natione, falsò contra Narcissum conficta, tales
pœnas persoluerunt.

Porro cū incognitū esset vbinā Narcissus in
abditis siluarū recessibus delitesceret, his, qui
finitimis Ecclesijs præerant, visum fuit alium
in eius locum antistitē subrogare. Dius igitur
(hoc enim ei nomen erat) delectus est; cui non
longo tēpore Ecclesiā gubernāri successit Ger-
manion: quo mortuo Gordius episcopatū oc-
cupat. Cuius temporibus Narcissus, tanquam

*Fugit in ere-
mum S. Nar-
cissus.*

*Periurorum
terribilis
vindicta.*

*Redit ad e-
piscopatum*

A 2

ex mor-

ex mortuis ad vitam denuò reuocatus, à fratribus ad intermissa Ecclesiæ gubernacula suscipienda rogatus est. Et cum nò amplius propter ingrauescentem ætatē ministerio præesse posset, Alexander vt cum ipso in fungendo ecclesiæ ministerio coniungeretur, accersitus est. Vixit autem S. Narcissus annos centum, & amplius sedecim; multisque virtutibus clarus migravit ad Dominum.

Ætas admodum grãdæua.

VITA S. ERMELENDIS VIRGINIS,
in *Villa Meldariensi quiescentis, in finibus
Brabantia: Ex ea quæ est apud V. P. Lan. Sur.

* Insula
Vide Iohan.
Molan. in
Indic. SS.
Belgij.
29. Octob.
Parentes eum.

Renunciat
mundo capillis
precisus.

a Odenca
propè Louanium,
vulgò Ter Dunck.
b Beuencum.

BEATA virgo Ermelendis patre Ermoldo & Ermensende matre, tam genere quam diuitijs spectabilibus, nata; primos adolescentiæ suæ annos Christo consecrasse memoratur. Cum siquidem parentes eam ad suscipienda matrimonij vincula importunius vrgerent, illa iam duodensis se virginitatem suam cælesti sponso deuouisse asserens, arrepro ferro capillos per læteâ ceruicé dependentes præscidit, relictoque sæculo, omnibus pòpuli eius còstantissima animi virtute calcatis, Christum per arctam & angustam viam secuta est. Tradiderant illi parentes redditus cuiusdã villæ, a Odenca nomine; sed illa, relicta domo, rebusque parentum postpositis, solitaria ad quandam peruenit b villam, cui duo germani præerant, fratres, primo iuuentutis flore vernantes, & sæculi vanitatibus atque illecebris studiosè seruiantes. Ibi venerabilis virgo cum diebus ac noctibus sedulò nudis pedibus ecclesiam frequentaret, totamque sese Domino in holocaustum offer-